


TEZAU LITURGIC
10 SEPTEMBRIE

ACATISTUL
SF. MUCENIȚE
MINODORA,
MITRODORA
ȘI NIMFODORA
DIN BITINIA

II



MOSCOVA, 2000



Акафист

СВЯТЫМ СЕСТРАМ-МУЧЕНИЦАМ

Минодоре, Митродоре и

Нимфодоре

Кондак 1

Избранные Божьи угодницы, всехвальные девы Минодоро, Митродоро и Нимфодоро, венцами славы Божественныя украшенные и в чертози Отца Небеснаго через веру и страдания пришедшие, пение похвальное от усердия приносяще, молим вы и просим: яко имущее велие дерзновение ко Пресвятой Троице, предстательством вашим от всяких бед нас свободите, и наследники Царствия Небеснаго нас соделайте, да благодарственно вам вопием: Радуйтесь, святые девы-мученицы Минодоро, Митродоро и Нимфодоро, благодать и радость нам приносящие!

Икос 1

Ангелов Творец и всея твари Зиждитель, во Святой Троице Единый и разуму нашему до конца непостижимый, по образу и подобию

Своему человека сотворивый, благоволи призвати вас, всехвальныя девы, на служение во славу Свою; вы же подвигом добрым на земли во имя Троицы Святыя подвизались есте, и мученически живот свой скончавше, радость нетленную обрели есте на небесех, идеже молитве Предвечного Бога о всех, вопиющих вам сице: Радуйтесь, Отца Небеснаго дщерию возлюбленные!

Радуйтесь, Сына Божьего невесты прекрасныя!

Радуйтесь, Духа Святаго сосуди благоуханныя!

Радуйтесь, о вечном спасении нашем Святыю Троицу умоляющыя!

Радуйтесь, от страстей греховных сердца наши освобождающыя!

Радуйтесь, в добродетелях христианских нас утверждающыя!

Радуйтесь, во обстояниях скорбных нам помогающыя!

Радуйтесь, недуги телесныя и язвы душевныя исцеляющыя!

Радуйтесь, святыя девы-мученицы Минодоро, Митродоро и Нимфодоро, благодать и радость нам приносящыя!

Кондак 2

Видевше, святыя девы, яко бози языческия суть «сребро и злато, дела рук человеческих (Пс. 113:12, 16), и, отвергше тыя, к Богу Истинному

во Святей Троице Единому обратилися есте, песнопоя Ему радостную песнь: Аллилуйя.

Икос 2

Разум боголюбивый и ревность по Бозе стяжали есте, всеславные девы Минодоро, Митродоро и Нимфодоро, и Духом Святым вдохновляемые, оставили мир жития в нем многосуетнаго ради, в пустыню безлюдную удалились есте. Мы же, ныне добродетели ваша и благоразумление воспети желая, таковые похвалы вам приносим: Радуйтесь, единое на потребу, яко благую часть, избравшие!

Радуйтесь, суету земную ни во что же вменившие!

Радуйтесь, небесные сокровища зело возлюбившие!

Радуйтесь, все упование на Господа возложившие!

Радуйтесь, сим пример смирения нам явившие!

Радуйтесь, от похотей плотских и страстей нас отвращающие!

Радуйтесь, к покаянию во гресех всех нас призывающие!

Радуйтесь, молитвами вашими от вечной гибели нас избавляющие!

Радуйтесь, святые девы-мученицы Минодоро, Митродоро и Нимфодоро, благодать и радость нам приносящие!

Кондак 3

Силою Христовою соблюдаемые, достохвальные стратотерпицы Минодоро, Митродоро и Нимфодоро, о болезнях телесных небрегли есте, подвигом добрым подвизатися хотяще; тою же силою укрепляемы страданий путь всеславно прошли есте, и прияли есте от Бога власть чудеса различныя творити; да вси, к вам ныне притекающи, исцеления от недугов телесных, паче же душевных получают; Богу же о вас вопиют: Аллилуйя.

Икос 3

Имуще разум и сердце Духом Всесвятым озаренныя, девы достохвальныя, усердно подвизались есте в посте и молитве и, самим житием святым вашим, явили есте прообраз подвигов мужей и жен преподобных и сего ради дары благодати Божией достойне прияти сподобились есте. Сего ради в похвалу вам зовем:

Радуйтесь, чистоту свою Жениху Небесному посвятившие!

Радуйтесь, не людей, а суетность жития их отвергшие!

Радуйтесь, не покой земной, а любовь Христову обретшие!

Радуйтесь, приходивших к вам не отвергавшие!

Радуйтесь, болящих от недугов телесных и

душевных исцеляющие!

Радуйтесь, сострадати страждущим нас
научающие!

Радуйтесь, вам молящихся от рабства диаволу
освобождающие!

Радуйтесь, всех нас к подвигу духовному ныне
призывающие!

Радуйтесь, святые девы-мученицы Минодоро,
Митродоро и Нимфодоро, благодать и радость
нам приносящие!

Кондак 4

Буря ярости и напастей лютых звероподобными
гонителями христиан воздвигнутая, не возможе
покалебати веры ваша в Троидинаго Бога
Нашего, Творца всего видимаго и невидимаго;
ибо вы, всеблаженные девы Минодоро,
Митродоро и Нимфодоро, благодатию Духа
Святаго озаренныя, дерзновенно и мужественно
противостояли мучителю, укрепляющему вас
Господу воспевая: Аллилуйя.

Икос 4

Слышав злочестивый князь Фронтон о
преславном и богоугодном житие вашем,
богомудрые девы, и чудесах, по молитвам
вашим Господом сотворяемым, повеле взяти вас
и в чертоги своя привести. Вы же, всехвальные
страстотерпицы, разумея, яко несть пользы

человеку иже блага мнози обрящет, а душу свою отщтит, отвергли льстивые и безумные глаголы мучителя вашего и Христа Растятого мужемудренно исповедали есте. Мы же, сие ныне поминающе, величаем вас сице: Радуйтесь, всею душею и всею мыслию Господа возлюбившие!

Радуйтесь, во испытаниях своих веру крепку, яко Авраам, явившие!

Радуйтесь, в злостраданиях терпение твердое, яко Иов, показавшие!

Радуйтесь, не суетному унынию, но Божьему благоволению себе предавшие!

Радуйтесь, неправедному судилищу дерзновенно представшие!

Радуйтесь, путем крестным за Спасителем последовавшие!

Радуйтесь, злобы неверных не устрашившиися!

Радуйтесь, всемогущую силу благодати Божьей познавшие!

Радуйтесь, святые девы-мученицы Минодоро, Митродоро и Нимфодоро, благодать и радость нам приносящие!

Кондак 5

Боготечной звездою прошла еси в мире сем, страстотерпице преславная Минодоро, яко веру Христову пред обезумевшими мучители дерзновенно исповедала еси; страдания многа и

люта мужески претерпела еси и ко Христу Господу и Спасу Нашему радостно востекла еси, Ему же ныне с лики Ангельскими предстоиши и немолчно воспеваеши: Аллилуйя.

Икос 5

Видев тебя, пресвятая Минодоро, в вере Христовой твердо и непоколебимо пребывающую, повеле злочестивый князь Фронтон горьким мукам ты предати, дабы через страдания многия и лютия соблазнити ты на поклонение идолам.

Ты же биение, тела иссечение и иные муки добропобедно претерпевше, с радостью и молитвою на устех предала еси дух твой в руке Господни. Мы же, вся сия помышляюще, величаем ты сице:

Радуйся, кровию твоею торжество веры истинныя явившая!

Радуйся, язвы Христовы на теле твоём носившая!

Радуйся, веру, надежду и любовь до конца сохранившая!

Радуйся, страстотерпице, вся узы и сети врага растерзавшая!

Радуйся, нетленный венец на небесех от Творца Мира приявшая !

Радуйся, благодать молиться за нас стяжавшая!

Радуйся, правую веру во Святую Троицу хранить нас научающая!

Радуйся, стопы наша на путь спасения
направляющая!

Радуйтесь, святые девы-мученицы Минодоро,
Митродоро и Нимфодоро, благодать и радость
нам приносящие!

Кондак 6

Проповедует днесь Церковь Христова подвизи
ваша, святые и всеславные девы Минодоро,
Митродоро и Нимфодоро, и величает страдания
ваши, яже за Христа претерпели есте, умиленно
триединому Богу, Дивному во Святых Своих о
вас воспевая: Аллилуйя.

Икос 6

Возсияли есте, всеблаженные девы, во подвизех
и страданиях ваших, яко светила богосветлыя,
просветивше глубокую ночь идолосужения
лучами Света Троическаго; сего же ради просим
вас, всеславные мученицы; не престайте
озаряти темные души наши лучами
благодатными, да вас немолчно ублажаем
благохвалениями сицевыми:

Радуйтесь, фимиам молитв за нас ко Святей
Троице приносящие!

Радуйтесь, милосердие Бога-Отца к нам
приклоняющие!

Радуйтесь, о спасении нашем Спасителя
умоляющие!

Радуйтесь, плоды Духа Святаго стяжати нам помогающие!

Радуйтесь, свято и праведно Богородицу почитать научающие!

Радуйтесь, кающимся слезы утешительныя низпосылающие!

Радуйтесь, пламень злобный струями любви вашей угошающие!

Радуйтесь, тяжких грешников от рова погибельного исхищающие!

Радуйтесь, святые девы-мученицы Минодоро, Митродоро и Нимфодоро, благодать и радость нам приносящие!

Кондак 7

Хотящу зверонравному мучителю льстивыми словесы отвратити тя, прехвальная Митродоро, от Бога Истиннаго и в зловерие языческое тя соблазнити, мужественне противостояла еси, глаголя: «не изменю веры моея в Иисуса Христа, Бога Моего, Ему же со Отцем и Святым Духом присно пою и во веки пети буду: Аллилуйя.

Икос 7

Новую показа безчеловечия ярость зверообразный мучитель, егда тебе, всеславная мученице Митродоро, повеле мукам многоскорбным предати. Ты же гнева наместника римского и страданий прескорбных

не утрашилася, паки исповедала еси себе христианкою быти и радостно восприяла еси биения, узы железныя, и иныя муки нестерпимыя. Тем же вси, таковому твоему дерзновению дивящися, глаголем: Радуйся, злобы мучителей твоих не утрашившаяся!

Радуйся, муки нестерпимыя победно претерпевшая!

Радуйся, страстем Христовым мужественно подражавшая!

Радуйся, подвигами твоими верных христиан возвеселившая!

Радуйся, убелившая ризы своя в крови агнчей на земли!

Радуйся, в лице девственниц предстоящая Божьему Агнцу на небеси!

Радуйся, бремя житейское носить нам облегчающая!

Радуйся, друг друга тяготы носить нас подвизающая!

Радуйтесь, святые девы-мученицы Минодоро, Митродоро и Нимфодоро, благодать и радость нам приносящие!

Кондак 8

Странные и страшные муки старших сестер твоих созерцая, пресвятая Нимфодоро, подобно блаженной Наталии, сострадала еси им сердцем

любвеобильным твоим и молила
Подвигоположника Христа укрепить их во
страдании лютом. О сем вспоминая, молим тя,
угоднице Христова, сотвори купно со святою
Наталиею молитву о нас грешных и научи нас
Бога паче всего земного любить и чистым
сердцем воспевати Ему: Аллилуйя.

Икос 8

Всего душею, всем сердцем и всем
помышлением возлюбила еси, святая
Нимфодоро, сладчайшего Иисуса, и Имени Его
ради муки многообразныя от зверонравнаго
князя Фронтана претерпела еси. Мы же,
страдания твоя во славу Христову подъятые
ныне благодарно воспоминаем и приносим тебе
похвалы сия:

Радуйся, прежде телесных мук муки душевные
претерпевшая!

Радуйся, от сестер твоих крест страданий
приявшая!

Радуйся, крест свой любве ради Божия радостно
понесшая!

Радуйся, терпение крепкое во страданиях
явившая!

Радуйся, в дому Отца Небеснаго обитель себе
сотворившая!

Радуйся, ко Престолу Славы Господа нас
ведущая!

Радуйся, уз греховных скорая разрешительнице!
Радуйся, о всех христианах пред Богом теплая
молитвеннице!

Радуйтесь, святые девы-мученицы Минодоро,
Митродоро и Нимфодоро, благодать и радость
нам приносящие!

Кондак 9

Вси Ангелы и святых лики возрадовашася
радостью велию, егда святые души ваша
достигоша вечнаго в обителях райских
упокоения, и Сам Творец Ангелов и Святейший
святых Царь славы Христос, бессмертия венцы
увенча вас и дарова вам благодать молитися
Ему со дерзновением многим о всех ищущих
вашего заступления, его же не лишите и нас,
грешных, достохвальные девы,
смиреномудренно воспевающих вам хвалебную
песнь: Аллилуйя.

Икос 9

Вития многовещанные не довлеют по достоянию
воспеть и восхвалити праведные житие и
мученическую кончину вашу, богославные девы
Минодоро, Митродоро и Нимфодоро; обаче же
мы, любовь к вам подвигаемые и надеждою на
предстательство ваше окрыляемые, со
смирением, любовь и верою таковыя похвалы
приносим вам:

Радуйтесь, нужды наша ко престолу Божьему возносящие!

Радуйтесь, отраду и утешение верным ниспослающие!

Радуйтесь, светом радости души наши озаряющие!

Радуйтесь, суетную славу мира сего презирати нас научающие!

Радуйтесь, от глада духовнаго нас исцеляющие!

Радуйтесь, грешников ко исправлению направляющие!

Радуйтесь, ходити в заповедех Божьих нас наставляющие!

Радуйтесь, от заблуждений духовных нас избавляющие!

Радуйтесь, святые девы-мученицы Минодоро, Митродоро и Нимфодоро, благодать и радость нам приносящие!

Кондак 10

Спасти всех желая, благоволи Всемудрый Господь святые мощи ваша, всехвальные мученицы, сохранить и во утешение всем верным явити, святую Гору Афон има благослови; вы же, святые девы, просвещаете всех чтущих вас и припадающих ко целебноносным мощам вашим, яко чудес и молитв ваших ради пробуждаются людие и восходят от жизни греховныя к житию

богоугодному, воспевающе Творцу и Спасу
Нашему песнь радости и благодарения:
Аллилуйя.

Икос 10

Стеною молитв ваших небесных, достохвальные
страстотерпицы Минодоро ,Митродоро и
Нимфодоро, защитите нас от враг видимых и
невидимых, помозите нам в скорбех и нуждах
наших, и предстательством вашим
благомощным избавите нас от лютых бед и
искушений бесовских, утвердите сердца наша
по Бозе горети и нелицемерно ближних наших
научите любити. Мы же предстательство ваше
воспевающе, глаголем вам сице:

Радуйтесь, милостию сострадания твоего всех
нас объемлющие!

Радуйтесь, любити Бога и творити волю Его нас
научающие!

Радуйтесь, дух любви к ближним в сердцах
наших воскресающие!

Радуйтесь, вся благая прошения наша
исполняющие!

Радуйтесь, милость и утешение всем верным
являющие!

Радуйтесь, всех приходящих к вам благодатию
озаряющие!

Радуйтесь, отроков во благочестии
укрепляющие!

Радуйтесь, дев и юношей в целомудрии утверждающие!

Радуйтесь, старцем отраду и утешение посылающие!

Радуйтесь, святые девы-мученицы Минодоро, Митродоро и Нимфодоро, благодать и радость нам приносящие!

Кондак 11

Пение благодарственное приносим вам, благословенные страстотерпицы Минодоро, Митродоро и Нимфодоро, яко в наши многосуетные и прескорбные времена в стране Российской благовопили есте, явити вновь икону вашу святую, да вси правоверные христиане, взирая на ню, величают Триспостального Бога Нашего Дивнаго во Святых Своих, вопиюще Ему: Аллилуйя.

Икос 11

Светом Трисиянным озаренные предстоите ныне, пред престолом Царя Царствующих, всеблаженные девы-мученицы Минодоро, Митродоро и Нимфодоро, и оттуда подобно многосветлому светильнику, просвещаете весь мир христианский, разгоняючи мрак, заблуждений и указующи путь к вожделенному Отечеству Небесному. Сего ради, прославляем вас, угодницы Христовы, и вопием вама сие:

Радуйтесь, теплые молитвы за нас возносящие!

Радуйтесь, изнемогающие силы наши
ободряющие!

Радуйтесь, окаменелые сердца наши
оживляющие!

Радуйтесь, от маловерия и непощения их
очищающие!

Радуйтесь, из пучины отчаянья нас изводящие!

Радуйтесь, к тихому пристанищу нас
приводящие!

Радуйтесь, уныние духа нашего возвеселяющие!

Радуйтесь, на милость Божию уповати нас
научающие!

Радуйтесь, святые девы-мученицы Минодоро,
Митродоро и Нимфодоро, благодать и радость
нам приносящие!

Кондак 12

Благодать Божию и милость нам подати,
прощение грехов и исправление жития
ниспослати испросите нам у Господа, святые
мученицы, и не престайте о нас пред лицом
Вседержителя Бога моляще, яко стяжавши к
Нему дерзновение многое. О сем же усердно к
Вам приподающе, просим и благоумленно
зовем всех Творцу: Аллилуйя.

Икос 12

Поюще Триипостаснаго Бога, Дивнаго во
Святых Своих, величаем и славословим вас,
святые и всехвальныя девы Минодоро,
Митродоро и Нимфодоро, ибо вы
всеблагомощным предстательством вашим пред
престолом Всесвятая Троицы приклоняете к нам
многогрешным милосердие Творца и Господа
Нашего; и даруете: семейным – любовь и
согласие, чадам – в послушании и благочестии
возрастание, воинов от искушений и гибели на
поле брани оберегаете и подвизаете нас
умиленно славить и воспевать вас сице:
Радуйтесь, в неизреченной славе Творца мира
созерцающие!
Радуйтесь, во благоухании святыни присно
почивающие!
Радуйтесь, нашим молениям милостиво
внимающие!
Радуйтесь, омраченные умы светом Христовым
озаряющие!
Радуйтесь, века сего суемудрия отвергати
научающие!
Радуйтесь, падающим руку помощи
простирающие!
Радуйтесь, от обычаев душетленных сердца
наши отвращающие!
Радуйтесь, нравы добрые и благочестие в нас

